

14 AUG 2000

DAIM-KUAN YEW/I

DAIM ADAKAH BICANG TAK RASMI DENGAN KUAN YEW

KUALA LUMPUR, 14 Ogos (Bernama) -- Menteri Kewangan Tun Daim Zainuddin dan Menteri Kanan Singapura Lee Kuan Yew mengadakan perjumpaan tidak rasmi berakhir selama kira-kira setengah jam di sini malam ini.

Daim mengunjungi Lee di hotel Mandarin Oriental untuk perjumpaan sebelum menanggungkan untuk makan malam.

Orang-orang kenamaan lain yang menghadiri jamuan itu termasuk bekas ketua menteri Pulau Pinang Tun Dr Lim Chong Eu, bekas-bekas menteri luar Tan Sri Ghazali Shafie dan Tengku Tan Sri Ahmad Rithauddeen, bekas menteri kesihatan Tan Sri Chong Hon Nyan dan bekas wakil khas negara ke Bangsa-bangsa Bersatu Datuk Abdullah Ahmad.

Lee tiba di sini petang tadi untuk lawatan kerja empat hari. Negarawat tertua Singapura itu, yang dalam lawatan kerja pertamanya ke negara ini setelah menyerahkan jawatan perdana menteri kepada Goh Chok Tong kira-kira sedaka lalu, berjalan melalui jalan raya melalui Lebuhraya Utara-Selatan setelah menyeberangi Tabak Johor dari Singapura.

Perjumpaan tidak rasmi di antara kedua-dua menteri itu adalah program pertama dalam aturan cara lawatan Lee.

Lee dijadual mengadakan perbincangan dengan beberapa orang pemimpin Malaysia, termasuk Perdana Menteri Datuk Seri Dr Mahathir Mohamad.

Esok, menteri kanan berusia 77 tahun itu dan rombongannya, termasuk isteri beliau, Kwa Geok Choo, dan 10 orang pegawai, akan melawat Menara Berkembar Petronas di sini.

Beliau juga akan melawat Putrajaya, pusat pentadbiran baru negara, dan mengunjungi Dr Mahathir dan timbalannya, Datuk Seri Abdullah Ahmad Badawi.

Rabu ini, Lee dijangka menghadiri satu forum yang dianjurkan oleh Institut Strategik dan Kajian Antarabangsa (ISIS) di sini di mana beliau akan membentangkan satu kertas kerja mengenai "Status Asia Timur dalam Abad ke-21."

Khamis pula, Lee akan menemui Menteri Pertahanan Datuk Seri Najib Tun Razak dan melawat Lapangan Terbang Antarabangsa Kuala Lumpur (KLIA) di Sepang sebelum pulang.

-- BERNAMA

ZMY OS MA